



SARAJEVO SIPA istražuje poruku poslanu putem Facebooka

# BHRT-u upućene prijetnje: Dići ćemo vas uzrak

Prijeteća poruka preksinoć stigla na adresu redakcije Informativnog programa  
Odmah smo podigli stepen sigurnosti i pojačali nadzor na ulazu, kaže Bakarević

Bosanskohercegovačka radio-televizija (BHRT) primila je preksinoć ozbiljnu prijeteću poruku u kojoj je pisalo da će zgrada u kojoj je smještena Uprava BHRT-a biti minirana i dignuta uzrak, potvrđeno nam je jučer iz ove medijske kuće.

## Obavljen uviđaj

Prijeteća poruka, nezvanično saznajemo, upućena je s Facebook profila Abu Suhajla Salahadina, a u poruci se najavljuje da će pripadnici Islamske države (IS) minirati zgradu BHRT-a.



Bakarević: Sve se provjerava

**Predrag Kurteš, ministar unutrašnjih poslova KS, rekao nam je jučer da su odmah nakon dobivenih informacija o upućenim prijetnjama o tome obavijestili nadležne institucije**



## Zgrada BHRT-a: Prijetnje shvaćene ozbiljno

U Državnoj agenciji za istrage i zaštitu (SIPA) potvrdili su za "Avaz" da je prijetnja upućena te da se provodi istraga kako bi otkrili ko ju je poslao. SIPA je ovu obavijest dobila od MUP-a Kantona Sarajevo.

- Već je o svemu informirano Tužilaštvo BiH i obavljen je uviđaj, a SIPA u koordinaciji s Tužilaštvom pòduzima daljnje mjere iz svoje nadležnosti na otkrivanju pošiljaoca poruke i utvrđivanja svih bitnih činje-

nica u ovom slučaju - kazala nam je Kristina Jozić, portparol SIPA-e.

Iz Uprave BHRT jučer su saopćili da su primili poruku prijetećeg sadržaja i odmah je prosljedili nadležnim bh. institucijama.

## Pojačano osiguranje

Muhamed Bakarević, generalni direktor BHRT-a, pojasnio je za "Avaz" da je prijetnja stigla u redakciju Informativnog programa.

- U poruci je pisalo: "Dići

ćemo zgradu BHRT u zrak." Odmah smo sve prijavili nadležnim službama te podigli stepen sigurnosti. Pojačali smo i nadzor na ulazu. Skrenuli smo pažnju osiguranju da dobro provjeri ko ulazi i šta unosi. Ipak je riječ o terorističkim prijetnjama - rekao nam je Bakarević.

Kosta Jovanović, urednik Informativnog programa BHT 1, potvrdio nam je u kratkoj izjavi da je poruka stigla na redakciju deska BHT 1.

M.AŠČIĆ